



ქალაქ ბათუმის მუნიციპალიტეტის მერი

ქ. ბათუმი

30/06/2015

ბ რ ძ ა ნ ე ბ ა N 477

არასამეწარმეო (არაკომერციული) იურიდიული პირის - „ბათუმის სასაფლაოები“-ს წესდების დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსის“, „მეწარმეთა შესახებ“ საქართველოს კანონის და ქალაქ ბათუმის მუნიციპალიტეტის საკრებულოს 2014 წლის 29 აგვისტოს №19 დადგენილებით დამტკიცებული „ქალაქ ბათუმის მუნიციპალიტეტის მერიის დებულების“ მე-3 მუხლის მე-3 პუნქტის „ე.მ“ ქვეპუნქტის შესაბამისად,

ვ ბ რ ძ ა ნ ე ბ ა :


1. დამტკიცდეს არასამეწარმეო (არაკომერციული) იურიდიული პირის - „ბათუმის სასაფლაოები“-ს (ს/კ №445413516) თანდართული წესდება.
2. ძალადაკარგულად გამოცხადდეს თვითმმართველი ქალაქის - ბათუმის საკრებულოს 2012 წლის 27 ივლისის №194 განკარგულებით დამტკიცებული არასამეწარმეო (არაკომერციული) იურიდიული პირის - „ბათუმის სასაფლაოები“-ს წესდება.
3. წინამდებარე ბრძანება სამეწარმეო და არასამეწარმეო იურიდიულ პირთა რეესტრში რეგისტრირებულ მონაცემებში შესაბამისი ცვლილებების რეგისტრაციის განხორციელების მიზნით წარედგინოს საჯარო რეესტრის ეროვნული სააგენტოს ბათუმის სარეგისტრაციო სამსახურს.
4. მიენიჭოს უფლებამოსილება არასამეწარმეო (არაკომერციული) იურიდიული პირის - „ბათუმის სასაფლაოები“-ს დირექტორს ავთანდილ ბურკაძეს (პირადი ნომერი 61004002182) იმოქმედოს ქ. ბათუმის მუნიციპალიტეტის მერის სახელით და საჯარო რეესტრის ეროვნული სააგენტოს ბათუმის სარეგისტრაციო სამსახურში წარადგინოს წინამდებარე ბრძანება და მოითხოვოს სამეწარმეო და არა-

სამეწარმეო იურიდიულ პირთა რეესტრში რეგისტრირებულ მონაცემებში შესაბამისი ცვლილებების რეგისტრაციის განხორციელება.

5. წინამდებარე ბრძანება შეიძლება გასაჩივრდეს ბათუმის საქალაქო სასამართლოში (მის. ქ. ბათუმი, ზუბალაშვილის ქ. №30) მისი კანონმდებლობით დადგენილი წესით გაცნობიდან ერთი თვის ვადაში.

6. ბრძანება ძალაშია ხელმოწერის დღიდან.

გიორგი ერმაკოვი



ქ. ბათუმის მუნიციპალიტეტის მერი

არასამეწარმეო (არაკომერციული) იურიდიული პირის –
„ბათუმის სასაფლაოები“-ს

წესდება

თავი I. ზოგადი დებულებანი

მუხლი 1. სახელწოდება და იურიდიული მისამართი

1. არასამეწარმეო (არაკომერციული) იურიდიული პირი – „ბათუმის სასაფლაოები“ არის საქართველოს ორგანული კანონის „ადგილობრივი თვითმმართველობის კოდექსი“-სა და საქართველოს სამოქალაქო კოდექსის საფუძველზე, ქალაქ ბათუმის მუნიციპალიტეტის მიერ შექმნილი არასამეწარმეო (არაკომერციული) იურიდიული პირი.
2. არასამეწარმეო (არაკომერციული) იურიდიული პირის სახელწოდებაა: არასამეწარმეო (არაკომერციული) იურიდიული პირი – „ბათუმის სასაფლაოები“ (შემდგომ ტექსტში – ბათუმის სასაფლაოები).
3. ბათუმის სასაფლაოების იურიდიული მისამართია: საქართველო, ქალაქი ბათუმი, ლუკა ასათიანის ქ. №25.
4. ბათუმის სასაფლაოების ელექტრონული მისამართია: batumissasafloebi@gmail.com

მუხლი 2. ბათუმის სასაფლაოების სტატუსი

1. ბათუმის სასაფლაოები არის წევრთა მდგომარეობისაგან დამოუკიდებელი იურიდიული პირი და მისი მიზანი არ არის სამეწარმეო საქმიანობის განხორციელება.
2. ბათუმის სასაფლაოების უფლებაუნარიანობა წარმოიშობა მისი რეგისტრაციის მომენტიდან და წყდება ლიკვიდაციის დასრულების რეგისტრაციის მომენტიდან.
3. ბათუმის სასაფლაოები შექმნილია განუსაზღვრელი ვადით.
4. დასახული მიზნებისა და დაკისრებული ფუნქციების განსახორციელებლად ბათუმის სასაფლაოებს აქვს სამეწარმეო საქმიანობის უფლება.
5. ბათუმის სასაფლაოები კანონმდებლობით და ამ წესდებით განსაზღვრული მიზნებისა და დაკისრებული ფუნქციების განსახორციელებლად საკუთარი სახელით იძენს ქონებრივ და პირად არაქონებრივ უფლებებს, კისრულობს მოვალეობებს, დებს გარიგებებს, საკუთარი სახელით გამოდის მოსარჩლედ და მოპასუხედ სასამართლოში და არბიტრაჟში, აგრეთვე მესამე პირთან ურთიერთობაში.
6. ბათუმის სასაფლაოებს აქვს დამოუკიდებელი ბალანსი, ხარჯთაღრიცხვა, საბანკო და სახაზინო ანგარიშები, ბეჭედი, შტამპი, ბლანკი და იურიდიული პირის სხვა რეკვიზიტები.
7. კანონმდებლობითა და ამ წესდებით დადგენილ ფარგლებში ბათუმის სასაფლაოები ანგარიშვალდებული და პასუხისმგებელია ქალაქ ბათუმის მუნიციპალიტეტის მერის წინაშე, რომელიც ახორციელებს დამფუძნებლის უფლებამოსილებებს.

თავი II. საქმიანობის საგანი

მუხლი 3. ბათუმის სასაფლაოების ძირითადი მიზანი და ფუნქციები

ბათუმის სასაფლაოების ძირითადი მიზანი და ფუნქციაა:

- ა) საქალაქო სასაფლაოების მართვა, მოვლა-პატრონობა;
- ბ) საქალაქო სასაფლაოზე საფლავების (სამარების) დადგენილი წესით გამოყოფა;
- გ) საქალაქო სასაფლაოზე გამოყოფილი სამარის გათხრა და ამოვსება;
- დ) გარდაცვლილის სამარეში ჩასვენება;
- ე) სამარეზე სარეგისტრაციო ფირფიტის დაყენება;
- ვ) სასაფლაოს გასასვლელების, ბილიკების, საზოგადოებრივი სარგებლობის სხვა ადგილების და არსებული ქონების მოვლა-პატრონობა;
- ზ) დაინტერესებული პირებისათვის სახელშეკრულებო ურთიერთობის საფუძველზე შესაბამისი მომსახურების გაწევა;
- თ) სხვა მომსახურება საქართველოს კანონმდებლობის, წინამდებარე წესდებისა და ქ.ბათუმის მუნიციპალიტეტის ორგანოების სამართლებრივი აქტების შესაბამისად.

მუხლი 4. ბათუმის სასაფლაოების უფლებები და ვალდებულებები

1. ბათუმის სასაფლაოებს დაკისრებული ვალდებულებებისა და ამოცანების განსახორციელებლად უფლება აქვს:

- ა) აწარმოოს მოლაპარაკებანი და დადოს გარიგებები, აგრეთვე, განახორციელოს სხვა იურიდიული ქმედებები, როგორც სახელმწიფო, ასევე კერძო ორგანიზაციებთან; მათ შორის დაამყაროს ურთიერთობები სხვა ქვეყნების იურიდიულ, თუ ფიზიკურ პირებთან;
- ბ) საქართველოს კანონმდებლობით დადგენილი წესით განახორციელოს დამხმარე სახის სამეწარმეო საქმიანობა; ამ საქმიანობიდან მიღებული შემოსავალი მოახმაროს მხოლოდ დაწესებულების მატერიალურ-ტექნიკური ბაზის განმტკიცებას, მუშაკთა სოციალურ დაცვას, შრომის ეკონომიკურ სტიმულირებას, აგრეთვე დაწესებულების წესდებით გათვალისწინებულ სხვა მიზნებისა და ამოცანების განხორციელებას;
- გ) დაამყაროს შრომით-სამართლებრივი ურთიერთობები ქალაქ ბათუმის მუნიციპალიტეტის მერის მიერ განსაზღვრული საშტატო განრიგის შესაბამისად;
- დ) შრომით-სამართლებრივ ურთიერთობაში მყოფი პირების თანამდებობრივი სარგო განსაზღვროს ქალაქ ბათუმის მუნიციპალიტეტის მერის მიერ დამტკიცებული სარგოს ოდენობის შესაბამისად;
- ე) განსაზღვროს დაწესებულების ხარჯთაღრიცხვა ქალაქ ბათუმის მუნიციპალიტეტის მერთან შეთანხმებით.

2. ბათუმის სასაფლაოები ვალდებულია:

- ა) წარმართოს თავისი საქმიანობა საქართველოს საკანონმდებლო და კანონქვემდებარე სამართლებრივი აქტებისა და ამ წესდების შესაბამისად;
- ბ) წარმართოს შრომითი (მათ შორის სახელშეკრულებო) ურთიერთობანი საქართველოს კანონმდებლობით დადგენილი წესით;
- გ) შეასრულოს მოქმედი კანონმდებლობიდან და დადებული ხელშეკრულებებიდან გამომდინარე ვალდებულებები.

3. ბათუმის სასაფლაოები თავისუფლდება მესამე პირთა წინაშე თანხის ანაზღაურების ვალდებულებისაგან (პასუხისმგებლობისაგან), თუ საფლავის დაზიანება მოხდა დაუძლეველი ძალის, სტიქიური უბედურების, სხვა ბუნებრივი მოვლენების (ფორსმაჟორული გარემოებების) შედეგად.

თავი III. ბათუმის სასაფლაოების მართვა და კომპეტენცია

მუხლი 5. ბათუმის სასაფლაოების მართვა:

1. ბათუმის სასაფლაოების მართვა ხორციელდება საქართველოს კანონმდებლობით და ამ წესდების შესაბამისად.

2. ბათუმის სასაფლაოებს ხელმძღვანელობს დირექტორი, რომელსაც ერთპიროვნულად ეკისრება დაწესებულების წარმომადგენლობითი უფლებამოსილება.

3. ბათუმის სასაფლაოების დირექტორს საქართველოს სამოქალაქო კოდექსის შესაბამისად თანამდებობაზე ნიშნავს და თანამდებობიდან ათავისუფლებს ქალაქ ბათუმის მუნიციპალიტეტის მერი.

4. ბათუმის სასაფლაოების საქმიანობაზე კოორდინაციას ახორციელებს ქ. ბათუმის მუნიციპალიტეტის მერიის ჯანმრთელობისა და სოციალური დაცვის სამსახური.

მუხლი 6. ბათუმის სასაფლაოების დირექტორის უფლებამოსილება

1. დირექტორი:

ა) საქართველოს კანონმდებლობითა და ამ წესდებით დადგენილი უფლებამოსილების ფარგლებში დამოუკიდებლად ხელმძღვანელობს დაწესებულების საქმიანობას, მოქმედებს დაწესებულების სახელით და სპეციალური მინდობილობის გარეშე წარმოადგენს მას მესამე პირთან ურთიერთობაში;

ბ) იურიდიული პირის საქმიანობიდან გამომდინარე საკითხებზე გადაწყვეტილებას აღებული ერთპიროვნულად, გარდა იმ საკითხებისა, რომელიც საჭიროებს დამფუძნებელთან შეთანხმებას;

გ) პერსონალურად პასუხისმგებელია ამ წესდებისა და დაწესებულების საქმიანობის მომწესრიგებელი სამართლებრივი აქტების შესრულებაზე;

დ) პერსონალურად პასუხისმგებელია დაწესებულების საქმიანობის სწორად წარმართვაზე, დაწესებულების ქონების, მათ შორის, ფულადი სახსრების მიზნობრივ ხარჯვასა და გამოყენებაზე;

ე) თავისი უფლებამოსილების განხორციელებისას გამოსცემს ბრძანებებს, რომელთა შესრულება სავალდებულოა დაწესებულების ყველა თანამშრომლისათვის, ხელს აწერს დაწესებულების საქმიანობასთან დაკავშირებულ ფინანსურ და სხვა დოკუმენტებს;

ვ) უფლებამოსილია დასახული მიზნების მისაღწევად დაამყაროს შრომით-სამართლებრივი ურთიერთობები ქალაქ ბათუმის მუნიციპალიტეტის მერის მიერ განსაზღვრული სამტატო განრიგის შესაბამისად;

ზ) უფლებამოსილია შრომით-სამართლებრივ ურთიერთობაში მყოფი პირების თანამდებობრივი სარგოები განსაზღვროს ქალაქ ბათუმის მუნიციპალიტეტის მერის მიერ დამტკიცებული თანამდებობრივი სარგოს ოდენობის შესაბამისად;

თ) საქართველოს შრომის კოდექსის შესაბამისად, თანამდებობაზე ნიშნავს (დებს ხელშეკრულებებს) და თანამდებობიდან ათავისუფლებს დაწესებულების თანამშრომლებს;

ი) ანაწილებს ფუნქციებს დაწესებულების თანამშრომლებს შორის (რაზედაც გამოსცემს ბრძანებას), აძლევს მათ სათანადო მითითებებსა და დავალებებს, კანონმდებლობის შესაბამისად ახორციელებს დაწესებულების ზედამხედველობას თანამშრომლების საქმიანობაზე, მართავს თათბირებს, პერიოდულად ისმენს ანგარიშს თანამშრომელთა საქმიანობის შედეგების თაობაზე, დაწესებულების სახელით სამოქმედოდ გასცემს მინდობილობას დაწესებულების თანამშრომლებსა და სხვა პირებზე.

კ) კანონმდებლობით დადგენილი წესით უფლებამოსილია დაწესებულების თანამშრომლების მიმართ გამოიყენოს წახალისებისა და დისციპლინარული პასუხისმგებლობის ზომები;

ლ) უფლებამოსილია დაწესებულების სახელით გახსნას და დახუროს საბანკო ანგარიშები, დადოს შრომითი და სხვა ხელშეკრულებები (შეთანხმებები) ფიზიკურ და იურიდიულ პირებთან, მოქმედი კანონმდებლობის შესაბამისად;

მ) ქალაქ ბათუმის მუნიციპალიტეტის მერთან ათანხმებს დაწესებულების ხარჯთაღრიცხვას;

ნ) ადგენს და ქალაქ ბათუმის მუნიციპალიტეტის მერს დასამტკიცებლად წარუდგენს დაწესებულების ბალანსს;

ო) ამტკიცებს დაწესებულების თანამშრომელთა შვებულებაში გასვლის განრიგს;

პ) ატარებს სათანადო ღონისძიებებს დაწესებულების მატერიალურ-ტექნიკური ბაზის სრულყოფის, თანამშრომელთათვის აუცილებელი პირობების შექმნის მიზნით;

ჟ) ქალაქ ბათუმის მუნიციპალიტეტის მერს არანაკლებ წელიწადში ერთხელ წარუდგენს დაწესებულების ანგარიშს გაწეული საქმიანობის შესახებ;

რ) ანგარიშვალდებულია ქალაქ ბათუმის მუნიციპალიტეტის მერის წინაშე;

ს) ქალაქ ბათუმის მუნიციპალიტეტის მერს წარუდგენს დაწესებულების წესდებაში შესატანი ცვლილებებისა და დამატებების შესახებ პროექტს, წინადადებებს დაწესებულების საქმიანობის სრულყოფის ღონისძიებათა შესახებ;

ტ) ახორციელებს კანონმდებლობით, ამ წესდებით და მათ შესაბამისად მინიჭებულ სხვა უფლებამოსილებებს.

2. დაწესებულების საქმიანობასთან დაკავშირებული მნიშვნელოვანი საკითხების გადასაწყვეტად, სათანადო წინადადებებისა და რეკომენდაციების მომზადების მიზნით, დირექტორი უფლებამოსილია შექმნას სათათბირო ოჯგუფები, კომისიები და უხელმძღვანელოს მას.

თავი IV. სტრუქტურა

მუხლი 7. ბათუმის სასაფლაოების სტრუქტურა

1. ბათუმის სასაფლაოების სტრუქტურა და სტრუქტურაში შემავალი თანამშრომლების რაოდენობა და თანამდებობრივი სარგოს ოდენობა განისაზღვრება ქალაქ ბათუმის მუნიციპალიტეტის მერის მიერ დამტკიცებული საშტატო განრიგის შესაბამისად.

2. ბათუმის სასაფლაოების თანამშრომელთა უფლებამოსილებები (თანამდებობრივი ინსტრუქციები) ბათუმის სასაფლაოების ფუნქციებიდან გამომდინარე განისაზღვრება დირექტორის სამართლებრივი აქტით - ბრძანებით.

თავი V. ქონება

მუხლი 8. ბათუმის სასაფლაოების ქონება

1. დასახული მიზნებისა და დაკისრებული ფუნქციების განსახორციელებლად ბათუმის სასაფლაოებს აქვს საჭირო განცალკევებული ქონება, რომელიც გადაეცემა საქართველოს კანონმდებლობით დადგენილი წესით.

2. ბათუმის სასაფლაოების ქონებას შეიძლება შეადგენდეს აგრეთვე დაწესებულების ფუნქციონირების განმავლობაში მისი ფინანსური სახსრებით შექმნილი ან/და შექმნილი ქონება.

3. ბათუმის სასაფლაოების ქონებასთან დაკავშირებული სხვა საკითხები განისაზღვრება საქართველოს მოქმედი კანონმდებლობით დადგენილი წესით.

მუხლი 9. საქმიანობა, რომელიც საჭიროებს თანხმობას

ბათუმის სასაფლაოებს შეუძლია მხოლოდ დამფუძნებლის თანხმობით განახორციელოს შემდეგი ქმედებები:

ა) უძრავი ქონების შეძენა;

ბ) გადაცემული ქონების გასხვისება;

გ) გადაცემული ქონების იჯარით გაცემა;

დ) სესხის აღება;

ე) თავდებობა;

ვ) სხვა გადაწყვეტილებები ბათუმის სასაფლაოების ქონებასთან დაკავშირებით, რომლებიც სცილდება ჩვეულებრივი საქმიანობის ფარგლებს.

თავი VI. ფინანსები

მუხლი 10. ბათუმის სასაფლაოების ფინანსები

1. ბათუმის სასაფლაოების დაფინანსების წყარო შეიძლება იყოს:
 - ა) ქალაქ ბათუმის მუნიციპალიტეტის ბიუჯეტიდან გამოყოფილი მიზნობრივი სახსრები;
 - ბ) ადგილობრივი და საერთაშორისო ორგანიზაციების მიერ გამოყოფილი შემოწირულობები, გრანტები;
 - გ) შემოსავლები, რომლებიც მიიღება ბათუმის სასაფლაოების მიერ სხვა იურიდიული, თუ ფიზიკური პირებისათვის გაწეული მომსახურების შედეგად;
 - დ) დამხმარე სამეწარმეო საქმიანობიდან მიღებული შემოსავლები;
 - ე) საქართველოს კანონმდებლობით ნებადართული სხვა შემოსავლები.
2. ბათუმის სასაფლაოების ნებისმიერი შემოსავალი უნდა მოხმარდეს მხოლოდ დაწესებულების მიზნებისა და ამოცანების განხორციელებას. დაწესებულების სახსრების სხვაგვარად გამოყენება დაუშვებელია.

თავი VII. საქმიანობის კონტროლი

მუხლი 11. ბათუმის სასაფლაოების საქმიანობის კონტროლი

1. ბათუმის სასაფლაოების საქმიანობის საერთო კონტროლს ახორციელებს ქალაქ ბათუმის მუნიციპალიტეტის მერი.
2. ბათუმის სასაფლაოების საქმიანობის კონტროლი მოიცავს დაწესებულების მიერ განხორციელებული საქმიანობის კანონიერების, მიზანშეწონილობის, ეფექტიანობისა და საფინანსო-ეკონომიკური საქმიანობის ზედამხედველობას.
3. ბათუმის სასაფლაოების საქმიანობის შესამოწმებლად, საჭიროების შემთხვევაში, ქალაქ ბათუმის მუნიციპალიტეტის მერი ნიშნავს აუდიტორს.
4. ბათუმის სასაფლაოების საქმიანობის კონტროლთან დაკავშირებული სხვა საკითხები განისაზღვრება მოქმედი კანონმდებლობით დადგენილი წესით.

თავი VIII. რეორგანიზაცია და ლიკვიდაცია

მუხლი 12. ბათუმის სასაფლაოების რეორგანიზაცია და ლიკვიდაცია

1. ბათუმის სასაფლაოების რეორგანიზაციის შესახებ გადაწყვეტილებას ეღებულობს ქალაქ ბათუმის მუნიციპალიტეტის ორგანოები საქართველოს კანონმდებლობით დადგენილი წესით.
2. ბათუმის სასაფლაოების ლიკვიდაცია ხორციელდება მოქმედი კანონმდებლობის შესაბამისად.



ქალაქ ბათუმის მუნიციპალიტეტის მერი

ქ. ბათუმი

20/11/2017

2088-25-4-201711201410



ბ რ ძ ა ნ ე ბ ა N 2088

არასამეწარმეო (არაკომერციული) იურიდიული
პირის „ბათუმის სასაფლაოები“-ს წესდებაში
ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 106¹ მუხლის მე-6 პუნქტის შესაბამისად,

ვ ბ რ ძ ა ნ ე ბ ა :

1. არასამეწარმეო (არაკომერციული) იურიდიული პირის „ბათუმის სასაფლაოები“-ს (ს/კ №445413516) წესდების (დამტკიცებული ქალაქ ბათუმის მუნიციპალიტეტის მერის 2015 წლის 30 ივნისის №477 ბრძანებით) მე-5 მუხლს დაემატოს შემდეგი შინაარსის 3¹ და 3² პუნქტები:

„3¹. დირექტორი თანამდებობაზე ინიშნება ერთი სამეურნეო წლის ვადით, რომელიც მოიცავს წლის დასაწყისიდან - 1 იანვრიდან წლის დასასრულამდე - 31 დეკემბრის ჩათვლით პერიოდს (კალენდარული წელი).

3². ქ. ბათუმის მუნიციპალიტეტის მერი უფლებამოსილია ვადაზე ადრე გაათავისუფლოს დირექტორი დაკავებული თანამდებობიდან ან გაუგრძელოს უფლებამოსილების ვადა ერთი სამეურნეო წლით.“.

2. არასამეწარმეო (არაკომერციული) იურიდიული პირის „ბათუმის სასაფლაოები“-ს (ს/კ №445413516) წესდების მე-6 მუხლის პირველ პუნქტს დაემატოს შემდეგი შინაარსის „უ“; „ფ“ და „ქ“ ქვეპუნქტები:

„უ) დირექტორს უფლება არ აქვს გამოიტანოს ნაღდი ფული საზოგადოების საბანკო ანგარიშ(ებ)იდან;

ფ) დირექტორს უფლება არ აქვს საბანკო ოპერაციები (გადარიცხვები) აწარმოოს მთავარი ბუღალტერის ავტორიზაციის გარეშე. თუ საზოგადოებას არ ჰყავს მთავარი ბუღალტერი, მაშინ აღნიშნულ უფლებამოსილებას დირექტორთან ერთად ახორციელებს თანამშრომელი, რომელიც თანამდებობრივად პასუხისმგებელი საბუღალტრო აღრიცხვაზე;


ქ) დირექტორი ვალდებულია ყოველთვიურად (პირველ დეკადაში) დამფუძნებელ პარტნიორს წარუდგინოს ამონაწერ(ებ)ი საწარმოს საბანკო ანგარიშ(ებ)იდან მიმდინარე თვის პირველი რიცხვის მდგომარეობით.“.

3. წინამდებარე ბრძანებით არასამეწარმეო (არაკომერციული) იურიდიული პირის „ბათუმის სასაფლაოები“-ს წესდებაში განხორციელებული ცვლილება ვრცელდება ასევე ამ ცვლილების ამოქმედებამდე დანიშნულ დირექტორზეც, რაც ნიშნავს, რომ მოქმედი დირექტორის უფლებამოსილების ვადაა 2017 წლის 31 დეკემბრის ჩათვლით პერიოდი.

4. ქ. ბათუმის მუნიციპალიტეტის მერიის აპარატის იურიდიული განყოფილების უფროსს (ვახტანგ გედენიძე, პირადი ნომერი: 61001051657) დაევალოს წინამდებარე ბრძანებით განხორციელებული ცვლილების შესაბამისად კანონმდებლობით გათვალისწინებული ღონისძიებების განხორციელება.

5. ბრძანება ძალაშია ხელმოწერისთანავე.

ლამა კომახიძე



ქ. ბათუმის მუნიციპალიტეტის მერი